

閩媛典第二百六十四卷

閩節部列傳一百四十六

明一百四十一 丁杲妻應氏

按處州府志應氏縉雲人丁杲妻年二十五而寡三子俱幼鞠育有成比鄰屢失火皆逼其堂而滅癸酉之火應先夢神告之曰無恐與西風以寧爾後果然人謂苦節之徵事聞有司旌表

樊同德妻胡氏

楊進佳妻劉氏

徐祿妻陳氏

按處州府志胡氏縉雲人處士胡魁女庠生樊同德妻年二十而寡矢志撫孤成立食餽於庠有畫荻之風焉 按處州府志劉氏松陽楊進佳妻年二十七夫亡無子母悲其少欲令再適不從引刀自刎家人救之得免以血衣寄母誓無他志壽八十四卒 按處州府志陳氏松陽徐祿妻年二十夫亡家貧無子姑染痺疾不能行陳晨夕扶持誓志不改年九十卒

王曰誥妻梅氏

湯崇訓妻徐氏

王肇寶妻吳氏

按處州府志梅氏雲和王曰誥妻姑孀事之甚謹尋夫喪遂與姑相依爲命家貧紡績上供姑下課

子後子萬乘以明經秉鐸三郡祿養終身

按處州府志徐氏雲和人湯崇訓妻夫早亡家貧孝

事瞽姑苦志教子歷仕有聲年幾九十而卒有司表其門

按處州府志吳氏雲和王肇寶妻年

二十一夫亾子在襁褓舅姑俱七旬家極貧命氏再嫁氏自縊幾絕矢志不移紡績以給孝養不倦子沒偕媳湯氏撫孫終老年七十有三

吳一蛟妻林氏

湯之寵妻王氏

徐有遇妻王氏

按處州府志林氏雲和廩生吳一蛟妻年十八夫亡子在襁褓矢志不二勤苦訓子成人郡縣旌表
按處州府志王氏雲和湯之寵妻年十六于歸甫期夫亡無子姑憐其少欲令再嫁氏誓死不二立嗣承祧奉姑至孝姑歿喪葬盡禮郡縣旌之
按處州府志王氏雲和徐有遇妻年十八夫亡撫週歲子誓不二志事姑至孝白首如初

陳其蘊妻吳氏

吳秉和妻徐氏

鄭守德妻王氏

按處州府志吳氏雲和陳其蘊妻年二十夫亡無子叔伯強其嫁氏嚙血盟心卒無他志抱兄之子爲嗣辟繯自給竟以壽終
按處州府志徐氏雲和吳秉和妻年十八夫亡家貧子幼矢志不二

姑病湯藥親嘗三月衣不解帶舅姑歿竭力喪葬訓子成立有司旌之

按處州府志王氏宣平

鄭守德妻幼有志操及嫁克盡婦道夫亡誓不再適茹苦服素終其身撫養諸孤俱克成立

陶龜妻鄭氏

瞿峻妻張氏

吳克毅妻張氏

按處州府志鄭氏宣平陶龜妻寇亂夫被害氏年二十三指天自誓隨母避難金華數年紡績自給還家訓育遺孤鄉族稱歎

按處州府志張氏松陽瞿峻妻年二十一夫亡無子嗣二姪以守節

自誓事舅姑克盡孝敬家廟必先齋戒邑人重之年七十餘卒

按處州府志張氏松陽吳克

毅妻年二十五夫亡二子襁褓氏堅守一志撫育有成人稱賢母年八十卒

葉濱妻徐氏

李應梓妻吳氏

徐楊輝妻毛氏

按處州府志徐氏松陽葉濱妻年十八夫亡撫遺腹子孝養其姑年八十縣令旌表

按處州府

志吳氏松陽李應梓妻夫亡三子俱穉家貧守節拮据以贍朝夕備嘗艱苦訓子世鎰勤織紵終身

按處州府志毛氏松陽徐楊輝妻萬松之母年十八夫亡或欲令其改嫁氏痛哭幾殞以苦節自誓

訓松有斷機晝荻之風松曲體母心以明經出仕人以爲節孝之報

徐大載妻葉氏

潘元義妻毛氏

葉繼茂妻朱氏

按處州府志葉氏松陽徐大載妻年十九夫亡哀踊求死翁姑泣謂曰兒已弗及養我爾能撫孤成立功德莫大矣乃拭涕黽勉撫育幼孩孝養翁姑始終無間有司旌之 按處州府志毛氏松陽

潘元義妻夫早喪苦節竭力事姑內外罔不哀矜事聞臺使表其門子國璽娶徐未期璽亡徐朝夕慟哭遂自縊 按處州府志朱氏縉雲人年十九歸葉繼茂五載而茂亾韶齒結褵丁年遭閔撫

孤成立矢志無攜崇禎戊辰具題旌表

徐度貞妻葉氏

潘伯正妻周氏

王名炫妻林氏

按處州府志葉氏松陽諸生徐度貞妻年二十一夫亡勤儉紡績艱苦自持有姑詹氏遺風年七十二縣令旌之 按處州府志周氏松陽潘伯正妻年二十一夫亡子幼家貧織紉自給終其身

按處州府志林氏青田王名炫妻年二十三夫亡止一子僅及暮甘心守困誓不再適晝荻訓子家俊入邑庠尋又天林年六十痛子而歿

留寔妻葉氏

留三聘妻朱氏

按處州府志葉氏青田留寔妻年二十四夫喪無子立繼承祀矢志不二孝事舅姑始終如一年六十終 按處州府志朱氏青田庠生留三聘妻年二十喪夫斷髮矢志守節撫孤之死靡他孀居三十餘年卒

葉孔照妻金氏

按處州府志金氏青田葉孔照妻年二十四夫亡止遺一子堅守冰操撫孤以衍夫祀紡績度日勉力支吾翁姑歿典服賣器倡伯叔以盡喪葬之禮苦節五十餘年年八十一而卒

留作醴妻朱氏

按處州府志朱氏青田諸生留作醴妻年二十二夫亡孀居飲冰遭家變克勤保守和丸教子俱晬齡入郡邑庠奉姑盡孝姑臨終有願祝祐其婦縣令旌之

林尙翔妻葉氏

按處州府志葉氏青田林尙翔妻年二十夫亡欲以死從痛夫遺骸強起謀爲窀穸營二壙將共入穴人曰夫嗣安在乃復爲立嗣紡績鞠育之父欲奪其志託疾促歸自後不復歸寧堅守如初嗣子

迄今忽然云亡

蔣光璧妻葉氏

按處州府志葉氏青田庠生蔣光璧妻年二十九夫亡家貧守志堅定五子俱孩朝夕紡績不憚劬勞家多荒產官糧爲累氏勉強撐持備嘗艱苦諸子得免追呼端心學業脫珥鬻絲爲館賓之費子方馥克早登賢書人以爲苦節之驗

陳有章妻金氏

按處州府志金氏郡庠生陳有章妻年二十八夫亡家貧守志織紡勤儉不衣綵不如甘奉繼姑以孝教子愛不忘勞有丸熊畫荻之風孀居五十一年年七十有九子象乾歷任泉州貴陽太守封恭人旌表

許成仁妻陳氏

王振宗妻陳氏

辜存素妻黃氏

按處州府志陳氏郡人儒醫許成仁妻年三十夫亡遺孤王聘登瀛俱甫離襁褓氏紡織課誦二子俱蜚聲疊序年六十三終

按處州府志陳氏麗庠文學王振宗妻幼嫻內則年二十六適振宗

事舅姑最孝振宗早亡氏年十九矢志孀居歷久不變卒年四十有一 按處州府志黃氏郡庠

廩生享存素妻夫早亡遺子女幼氏矢志堅守躬操勤苦有丈夫風訓二子成人長景益爲邑庠生
孀居茹荼近五十年年七十三終有孫二人

鄭明妻金氏

劉湯臣妻耿氏

葉挺妻劉氏

按處州府志金氏麗水人鄭明妻夫亡遺子女堅志苦守撫其子應夢成長娶媳黃氏夢又早逝與
媳共撫育二孫曾元蕃衍多勤誦讀有司先後旌之年各六十餘卒 按處州府志耿氏麗水劉

湯臣妻年十八適劉二月而夫沒貞節自持矢志不二富室艷其姿求婚氏略不爲顧勸之不應人
終莫敢强年五十無嗣卒 按處州府志劉氏松陽葉挺妻年十九孀居事姑至孝壽八十二終

王葑妻林氏

葉望聖妻彭氏

李希堯妻劉氏

按處州府志林氏麗水人進士王葑妻孝事翁姑相夫力貧苦學成名生二子尙幼夫廬墓死氏不
憚緝緝薪茶撫訓二子皆入泮學使旌其門有司歲時賑以粟帛年八十餘終 按處州府志彭

氏麗水庠生葉望聖妻望聖早亡氏食貧撫孤堅貞苦節訓子誦讀長仲辛季如遺俱入庠序壽七

十終 按處州府志劉氏麗水李希堯妻年二十有二夫亡家貧無子堅貞守志孝事舅姑慈育

二女以紡績度日年六十終

連敦庸妻管氏

按處州府志管氏龍泉人章中丞先生之曾孫女姑適管愛而育之遂以管爲氏適廩生連敦庸早寡志行端貞孀居茹荼五十餘年遇養子如己出邑令徐可先表其閭

齊氏女

按處州府志齊氏女麗水人許字葉賜聘年十八未歸賜聘病瘧死女聞訃奔喪慟哭誓不他適父母欲奪其志女潛入臥內自縊幾絕救甦家貧紡績度日以壽終旌表

梁應選妻葉氏

潘氏許氏張氏附

按處州府志葉氏郡諸生梁應選妻夫亡守節五十一年三子俱幼以紡績教之成立年七十有六卒選弟邑諸生應星妻潘氏年二十夫亡守節四十四年撫子繼誠爲麗邑諸生星弟應某妻許氏年二十二夫亡守節四十二年星弟應箕妻張氏年二十七夫亡守志三十三年四婦貞操相持一

堂共老

錢中選妻楊氏

按處州府志楊氏麗邑廩生錢中選妻夫亾氏年二十八紡織度日奉姑葉氏孀居夙嫻內則克勤克儉教子慈嚴兼至長子金聲邑庠生次子金生登己卯賢書爲某邑令多治績年九十有三以壽終

劉禹臣妻余氏

按處州府志余氏郡諸生劉禹臣妻年二十二夫病篤氏以身禱刲股和藥不瘳幾投于井幸母弟救免夫亡屍腐流汁盡吸之瘡潰飢裂幾死家貧無長物紡績度日撫育二子成長得延夫祀壽六十終

王叔可妻朱氏

按處州府志朱氏遂昌人名淑質王叔可妻年十九夫亡舅姑欲奪其志誓死不從年九十六卒

周應熊妻王氏

按處州府志王氏名思員遂昌人年十七適周應熊生一子甫八月夫病革囑王曰養吾母保吾孤是所望于爾王嚙指出血泣曰必無負若天實監之孀居六十餘年始終無異

吳渭妻姜氏

按處州府志姜氏遂昌吳渭妻生一女夫死年二十四鞠妾生子若己出孀居四十餘年未嘗出戶夫兄弟或以事見則闔門與語妾子破其產藜羹不繼姜處之無怨言

葉某妻應氏

按處州府志應氏遂昌人葉某妻年十八夫從戍二十餘年不歸人傳其夫別娶生一子父母信之逼其改嫁氏堅執不從後夫終不返而氏志終不渝清苦自持鄉人稱爲節婦

蘇長益妻葉氏

按處州府志葉氏遂昌蘇長益妻性恬素年二十二夫亡舅姑哀其年少無子令改嫁婦泣願守志始終一節年六十七卒

朱子方妻葉氏

按處州府志葉氏名日善遂昌朱子方妻年二十夫亡慟哭幾絕遺二孤長調次瞰尙在襁褓氏出匳篋養舅姑撫子家日貧而志益固五十餘年終始一節

黃鏞妻柴氏

按處州府志柴氏遂昌黃鏞妻夫亾柴年二十八一子方垂髫氏蓬垢不出素通孝經大義教子宛如嚴師嘗坐吟曰日落西山留不佳水流東海豈能回言此志不渝也年九十五卒

奚世恩妻魏氏

按處州府志魏氏麗水武生奚世恩妻年二十四夫喪堅志守節之死靡他子紹元尙在襁褓姑老子幼形影相弔孤苦伶仃艱辛萬狀子長襲千戶氏年八十而終

何仁妻陳氏

按處州府志陳氏麗水人應襲指揮武生何仁妻適何未久夫病祈禱請代百計救療不治夫死哀毀逾常足不踰閭目不窺戶至老不移臺省上其事旌表年幾九十而卒

郭仲恩妻戈氏

按處州府志戈氏麗水人千戶郭仲恩妻年二十四夫病垂危籲天祈代刲股救療不痊尋舅姑與夫相繼歿氏盡瘁喪葬哀毀倍常矢志茹荼撫孤成立冰玉之操歷三十餘年屢經旌表

孫良佐妻張氏

按處州府志張氏麗水人衛人孫良佐妻年十七適佐未二載夫亡遺腹生一子家貧緝繡度日矢志守節孝事舅姑克勤撫子艱苦備嘗事聞旌其閭仍免其子踐更之役壽幾八十而終

張國棟妻陳氏

按處州府志陳氏麗水人衛鎮撫張國棟妻生自儒家幼閑內則贊夫襲職竭方勵勸賢聲茂著未幾夫病籲天祈代夫亡家貧子幼矢志茹荼織紉訓子漢傑中崇禎丁卯鄉闈人稱賢節

葉純仁妻張氏

潘伯葉妻毛氏

按松陽縣志張氏葉純仁妻年二十夫亡守寡事姑足跡不離閭域教其子成人 按松陽縣志

毛氏潘伯葉妻年二十孀居無子家無宿儲母命之出嘆曰吾命也苟所適復如此奈何苦守數十年載以紡織度日縣令聞其苦節表其門年八十五卒

周寵妻包氏

按松陽縣志包氏周寵妻性孝義寡言笑父母甚愛之年十九夫亡布衣蔬食奉姑盡孝姑逝益勵苦志孀居四十六年紡織理家有所餘令子置祭田建祠宇周貧恤孤鄰族聞於上旌表

劉孔教妻毛氏

葉氏附

按松陽縣志毛氏劉孔教妻少寡姻族欲漁利勸改醮從不撫子德性娶葉氏甫孕而德性夭葉痛哭欲絕毛氏雪涕苦慰曰兒尙有妊天或祚劉一綫可延也葉稍節哀彌月果產男撫之成人郡守旌表

葉良俊妻楊氏

按松陽縣志楊氏葉良俊妻年二十有五夫亡遺子女幼家無擔石縫紉以餬其口姑憐之聽他適氏矢死靡他後子女俱夭折晚歲益孤苦年七十三卒

周一蘭妻丁氏

按松陽縣志丁氏周一蘭妻性貞靜年二十一孀居守節事舅姑葬祭唯謹茹苦含辛歷五十餘載

如一日事聞有司歲給束帛壽八十一終

詹希元妻葉氏

按松陽縣志葉氏詹希元妻年二十而寡三子皆幼氏強節哀撫孤慈而嚴及壯有室猶予杖長子應瑞暨婦最得氏懽侍病不解衣終夜跪摩其胸背人以爲守節之報

周複妻毛氏 毛汝節妻周氏

按松陽縣志毛氏周複妻早孀苦節克閑閨則言必中禮撫子完成立克敦孝義年踰八旬不輟吟咏郡倅表其門 按松陽縣志周氏毛汝節妻年二十四失所天一子甫離襁褓家貧朝夕紡績訓子成名年七十二縣令旌之

葉有斐妻徐氏 徐應鳳妻周氏

按松陽縣志徐氏葉有斐妻年二十二夫疾割股以療及歿守志五十餘年訓子凌雲入泮 按松陽縣志周氏徐應鳳妻性好施樂善夫亡孀居苦操年至百餘歲邑令造廬謁見仍立碑亭表之

潘國聘妻王氏

按松陽縣志王氏潘國聘妻年二十五夫亡父懷軒宦遊歸伴試之曰汝終適人乎氏曰婦不二天義也三子具在吾何適乃益堅撫子迄有成立見元孫焉苦節八十餘載年近百歲

葉經濟妻徐氏

媳徐氏附

按松陽縣志徐氏葉經濟妻夫歿經營內外教子成立子天同媳撫孫始終靡間時稱雙節媳亦姓徐氏

葉繼忠妻劉氏

按松陽縣志劉氏葉繼忠妻年二十七患疾篤與妻訣謂子幼而貧不能餬口聽爾他適氏哭誓曰君雖服田然家世詩禮妾焉敢出此比死食力撫二子壽八十餘邑令旌之

潘繼恩妻徐氏

按松陽縣志徐氏潘繼恩妻恩疾亟與氏訣曰吾夙重師儒亦唯望二子成立今不及見汝當責成之氏痛其言苦守家業督子勤學疾篤亦與二子訣曰汝父遺言庶幾可復唯望兄弟傳世清白式相友恭壽六十餘卒

程大秀妻楊氏

按松陽縣志楊氏程大秀妻年二十六夫亡家貧紡績撫幼子長成年九十有六卒

毛汝文妻劉氏

按松陽縣志劉氏毛汝文妻年二十四子方幼穉夫病不解衣者數月割股進之不效而歿氏慟哭殞地曰生死同歸夫婦之義其伯翁應雷扶杖諭曰義莫大乎存孤死何爲倘天假衰髮當不令若母子失所也氏強起撫二子竟克成立郡縣交旌其門年七十八卒

潘國舉妻周氏

何曾六妻周氏

劉孔受妻潘氏

按松陽縣志周氏諸生潘國舉妻孀居四十餘年歷盤錯履冰霜苦操不易訓子繼芳讀書有成克振其家年七十餘卒

按松陽縣志周氏何曾六妻年二十二夫亡遺子僅三歲甘貧矢志裁剪

紡織以撫其孤鄉黨敬之壽七十餘卒

按松陽縣志潘氏劉孔受妻年十九生子甫週夫亡有

六旬老姑氏矢志守節奉事無缺紡績訓子有方子弱冠食餽復早世又撫孫成人年七十四卒

詹應震妻劉氏

潘恩妻朱氏

潘簡妻周氏